

DESKRISAUN BA POZISAUN

Ofisial Projetu – Infrastrutura no Hortikultura

Titulu pozisaun	Ofisial Projetu – Infrastrutura no Hortikultura
Lokalizasaun	Atsabe, Ermera, Timor-Leste
Relata ba	Senior Project Officer – Infrastructure and Horticulture (SPO) – HAFORSA 3
Grau	4
Salariu	USD \$619.00 kada fulan
Tipu pozisaun	Tempu Determinadu – Tinan 1 ho possibilidade ba ekstensaun
Data komesa/durasaun	Julhu 2024

1. Konaba CARE iha Timor-Leste

1.1 Konaba CARE

CARE hanesan organizasaun internasional ba dezenvolvimentu no umanitariu ne'ebé servisu iha Timor-Leste dezde 1994. Ho programa sira ne'ebé konsentra iha munisipiu hotu iha rai-laran, CARE servisu hamutuk ho parseiru sira atu salva moris, halakon ki'ak, no atinje justisa sosial.

CARE servisu ho komidade sira iha area rural no hamutuk ho parseiru sosiedade sivil sira atu luta hasoru dezigualdade jéneru, tamba ida ne'e hatudu ona katak dalan efetivu ida atu kria impaktu ba dezenvolvimentu ne'ebé sustentavel.

Asegura moris di'ak no rona feto no labarik feto sira nia lian iha area ne'ebé rural no dezvantajen sai nudar sentru ba CARE nia servisu. Ida ne'e atinje liu husi area prioridade haat hanesan Edukasaun, Hakbiit Feto sira-nia Ekonómia, Saúde no promove Feto sira-nia Lian iha sosiedade liu husi programa dezenvolvimentu no umanitariu sira.

1.2 Konaba programa

CARE iha Timor-Leste hahú implementa Projetu HAFORSA 3 hahú husi fulan Marsu 2024, ne'ebé finansia husi Governu Japaun. Projetu tinan tolu ne'e ninia objetivu mak atu hadi'a moris-di'ak iha Atsabe implementa atividade oioin ho objetivu atu alkansa rezultadu rua ne'e:

1) Produsaun hortikultura iha tempu maran asegura ona, no estabelese ona fundasaun ida-ne'ebé metin hodi liga agrikultór alvu sira ba merkadu sira.

2) oportunidade ba fetu sira atu kontribui pozitivamente ba ekonomia uma-kain aumenta.

Projetu ida-ne'e alvu 4 Aldeias iha Suku 4 Atsabe.

2. Knaar

Ofisiál Projetu - Infrastrutura no Hortikultura (PO) mak responsavel ba planeamentu, implementasaun no relatóriu atividade projetu nian loron-loron. Tuir matadalan husi DPM, no supervizaun direta husi Senior Project Officer - Infrastrutura no Hortikultura (SPO) PO sei servisu besik ho membru funsióriu sira seluk hodi kontinua implementa atividade hotu-hotu projetu nian iha nivel kampu. No PO mós sei servisu hamutuk ho membru comunidade sira, membru VSLA no agrikultór sira, autoridade lokál no parte interesada sira iha Aldeia hodi konsolida no suporta konstrusaun infrastrutura komunitária, hala'o atividade oioin, no organiza treinamentu, eventun no enkontru sira. PO mós sei responsavel ba monitorizasaun, halibur dadus, no servisu hamutuk ho MEL and Marketing Officer hodi tulun grupu fa'an modo no/ka grupu produtor sira atu hadi'a sira-nia asesu ba merkadu. Pozisaun ida-ne'e bazeia iha Atsabe no dala barak halo viajen ba comunidade.

Responsabilidade Prinsipal:

1. Input Tékniku

- Tuir matadalan husi SPO, servisu hamutuk ho konsultór enjeñeiru atu harii infrastrutura komunitária.
- Prosesu aprovizionamentu ba materiál konstrusaun nian tuir tempu no loloos iha kooperasaun ho SPO.
- Fornese orientasaun espesífiku no organiza comunidade sira ba servisu konstrusaun iha comunidade sira no asegura katak prosesu konstrusaun la'o tuir dalan ho SPO.
- Fornese espesializasaun téknika jerál ba projetu iha téknika agríkola kona-ba fokus espesial ba produsaun hortikultura no prátika agríkola reziliente ba klima iha kooperasaun ho SPO.
- Fornese orientasaun ba grupu agrikultór sira kona-ba oinsá atu dezenvolve no hadi'a produktu hortikultura sira iha monitorizasaun regulár iha kooperasaun ho SPO.
- Fasilita dezenvolvimentu regra no regulamentu sira husi Grupu Maneja Fasilidade (GMF) iha kooperasaun ho ekipa DPM, SPO no GPQ.
- Fornese orientasaun ba GMF no grupu relevante sira kona-ba oinsá atu hadi'a no mantein infrastrutura komunitária sira iha monitorizasaun regulár iha kooperasaun ho SPO.
- Tuir orientasaun husi SPO, koordena no fasilita formasaun iha nivel kampu, semináriu, sesaun, enkontru no eventun sira ho GMF, grupu agrikultór, parseiru no parte interesada sira, no seluk tan.

2. Jestaun Projetu

- Responsavel ba planeamentu, implementasaun no relatóriu kona-ba atividade projetu HAFORSA 3 iha nivel kampu.

- Asegura komunikasaun ho DPM no SPO sira ho tempu no nakloke atu fasilita foti desizaun, planeamentu no relatóriu ne'ebé apropriadu iha nivel projetu.
- Monitorizasaun regulár ba atividade kampu no grupu, koleasaun dados, kódigu dados no apoiu ba avaliasaun no estudu sira seluk.

3. Rekursu Umanu, Jestaun Finanseira no Lojistika

- Iha kooperasaun ho DPM no ofisiál seniór sira seluk, fó apoiu ba Jestaun Projetu hodi planeia despeza projetu, planu aprovizionamentu no monitorizasaun kontra orsamentu no matadalan CARE nian iha Timor-Leste no doadór sira.
- Servisu hamutuk ho membru funsióriu sira seluk atu halo monitorizasaun ba movimentu karreta no ligasaun ho CARE iha Timor-Leste hodi asegura katak karreta sira-ne'e iha kondisaun diak.

Responsabilidade Seluk:

- Hala'o knaar seluk hanesan supervisor fó ba nia.
- Fó apoiu ba fokál seguru no seguransa iha Atsabe, Ermera wainhira presiza.
- Fasilita Aldeia Reziliente no Planeamentu Asaun (ARAP) no ajuda comunidade sira atu implementa sira-nia planu iha kooperasaun ho membru pesoál projetu sira seluk.
- Partisipa ativamente iha prosesu avaliasaun funsióriu (APPA) inklui avaliasaun anuál, avaliasaun tinan-klaran, no enkontru regulár ida-por-ida, hodi asegura prosesu APPA (inklui ninia dokumentu sira) integradu iha Planu Serbisu Anuál no ninia atividade sira;
- Envolve iha atividade preparasaun ba situasaun emerjénsia, ajuda iha serbisu emerjénsia bainhira situasaun ezije;
- Promove ambiente serbisu ne'ebé seguru; habelar kultura seguransa no seguru ne'ebé di'ak, no kumpre tuir CARE nia politika, prosedimentu no orientasaun; no
- Hatudu kompromisu ba igualdade jéneru, diversidade no protesau ba labarik.

3. Kriteria ba selesau

- Lisensiatura mínimu relevante iha agrikultura no esperiénsia servisu mínimu tinan 3-4 iha projetu umanitária ka dezenvolvimentu ba agrikultura, fonesimentu bee agríkola ka fonesimentu bee rural. Esperiência servisu liu-liu iha área irrigasaun turuk, fonesimentu bee agríkola no/ka agrikultura orgánika mak rikusoin ida.
- Hatudu kompriensaun kona-ba métodu partisipativu ba mobilizasaun komunitária.
- Esperiencia iha mobilizasaun komunitária.
- Esperiencia iha fasilitasaun formasaun no enkontru iha comunidade sira.
- Profesionalidade iha abilidade komputadór inklui esperiénsia MS Word no Excel.
- Abilidade atu servisu mesak no iha ekipa laran.
- Abilidade analítiku no numerasaun ne'ebé aas no atensaun maka'as ba detalhe.
- Presiza abilidade atu hakerek no ko'alia iha lian Tetun. Kemak no Ingles nia abilidade mak vantajen ida.
- Abilidade atu rezolve problema pro-ativu no organiza.
- Inisiativa no abilidade lideransa atu harii ekipa ne'ebé di'ak liu.
- Hakarak atu haka'as an atu halo serbisu foun no aprende.

- Presiza abilidade atu sa'e motór, no iha lisensa atu sa'e motór ne'ebé válidu.
- Abilidade atu hela iha Atsabe, Munisipiu Ermera no halo viajen ba comunidade rurál sira;
- Pozisaun ida-ne'e hanesan knaar ida iha ambiente servisu ne'ebé maka susar tebes, ho servisu saúde mínimu de'it iha kampu. Rekomenda de'it ba sira ne'ebé tau matan ba sira-nia saúde rasik no tau fiar ba sira-nia saúde;
- Iha esperiéncia serbisu ho Organizasaun Internasionál, no iha vontade atu aprende konaba CARE nia serbisu no polítika, igualdade jéneru, no empoderamentu feto.

Nota

CARE prioriza seguransa husi membru comunidade sira ne'ebé mak ami servisu hamutuk, liu-liu sira ne'ebé mak vulneravel liu iha sosiedade, inklui feto no labarik sira. CARE sei la tolera asédiu seksuál, explotaun ka abuzu komete husi funsionáriu ka parseiru sira, no ida ne'e hatuur ona iha ami nia sistema hodi prevene no hatan ba risku salvaguarda iha lalaok servisu hotu.